

楊襄毅公本兵疏議

楊襄毅公本兵疏議卷之十一

覆給事中鄧楚望條陳除廣福等處盜賊窩主裁革錦衣衛冒濫官校疏

少保兼太子太保兵部尚書臣楊博等謹

題爲際遇 明時仰體

聖心摘陳急務以少圖報塞事職方清吏司案呈奉本部送戶科抄出禮科給事中鄧楚望題奉

聖旨該部知道欽此抄出送司案呈到部看得禮科給事中鄧楚望條列處窩戶酌冗官二事合行開立前件議擬上請定奪嘉靖四十二年五月十八日題奉

聖旨准議行欽此

一處窩戶以圖東南之急先該臣等題奉

欽依備行總督廣閩軍務都御史張臬巡撫福建都御史
譚綸督率副總叅遊等官協心併力務將見在倭奴
刻期蕩平境內土賊并通番窩戶應招撫者則招撫
之開其自新之路應勦捕者則勦捕之不爲姑息之
計并將福建漳之月港廣東潮之南澳搗其巢穴使
之出無所恃入無所歸仍嚴督南澳月港等處把總
等官督率官軍脩補戰船專備倭奴出入之防及查
賊船據澳處所原有三穴會議填塞三穴未填一穴

行令設法填塞以絕禍源要害處所分屯戍以塞嚮
導俱經通行去後乃今本官條陳前因悉中肯綮查
與本部原議大略相同相應嚴行申飭務臻實效
一酌冗官以濟財用之急看得錦衣衛官校自正德
十六年釐革之後節經言官建議本部一行於嘉靖
二十二年再行於嘉靖三十一年校尉一節近於嘉
靖四十年又嘗行之建議者每欲救弊補偏舉行者
率多掛一漏萬該衛四十一年造到查理官員文冊
千百戶等官開稱一千一百四十二員旗役文冊總
小旗開稱二千四百九十名校尉開稱六千八百六

十二名支米五斗各項旗校開餉七百六十五名竊
惟該衛係近侍衙門一應上直當駕等項時不可缺
軍功世襲 皇親廕授等項例不得減但中間流雜
人衆或有冒籍充投黃緣陞官如張立之類或有京
衛隨藩歸乃乞恩如先年劉浩之類或有以奏帶陞
官如先年李忠之類或有以報捷填註如先年柳雲
之類委當稽察合無行移本衛堂上官查照給事中
鄧楚望奏內事理除軍功世襲 皇親廕授無容另
議外其冒籍頂役藩府歸乞奏帶陞級報捷填註四
項務要逐一清查明白徑自具奏

覆給事中馮成能儲養世胄團練鄉兵疏

題爲量時審勢講求兵食之源以効愚衷以裨

聖治事職方清吏司案呈奉本部送兵科抄出刑科給事
中馮成能題奉

聖旨該部看了來說欽此欽遵抄出送司案呈到部看得
刑科給事中馮成能題稱閩中海寧江廣山戎橫行
繹騷兵食俱匱欲要將勲戚子弟應襲舍餘內則養
之武學外則寄之儒學以待不次之擢團練鄉兵專
責各府清軍同知又擇指揮千百戶各分哨隊經畫
賞罰練有成功撫按保陞本處兵備指揮以下各加

陞錄如其罔效貶黜罰治各一節爲照儲將材以備
緩急練士兵以待戰守均當預定於無事之時方能
收效於有事之日若將不素儲而取之倉卒所用非
其所養必成顛隕兵不夙練而調之鄰封所得不償
所失反致繹騷乃今給事中馮成能具題前因委爲
一時長計但在外十三省幼官應襲舍餘俱由提學
收送儒學作養在內兩京勲戚子弟應襲舍餘俱在
國子監習禮武學肄業既有會舉之例又設武舉之
科遴選搜羅似已周悉相應通行申飭合候

命下本部備行南北直隸各省撫鎮等官并咨都察院專

劉兩直隸提學御史轉行各該巡按御史責成所在
提學官將所屬內各應襲舍餘及採掇豪儒之士嚴
加考驗收寄在學時訓月校果有忠義謀勇出衆者
據實冒跡類報本部聽候酌議其團練土兵專責各
府清軍同知管理直隸州分就令州同知管理以後
自非十分緊急不許徵調隣兵其指揮千百戶分哨
經理一切激勸事宜悉如所擬施行及照已經承襲
公侯伯并公侯伯應襲受爵之後舊例推用五府掌
印僉書提督總兵等官事權甚重切緣邇年以來漸
成驕惰習禮全事虛文即戎絕無實效合無通行在

京五府將近年襲爵未經管事年三十五以下及各爵應襲不拘年齒長幼俱送京營聽戎政文武大臣定以日期隨營較射仍授以武經七書百將傳等書令其熟讀細講每人仍撥給軍伴十名聽其跟用戎政衙門先將收營姓名具奏每歲終巡視京營科道官仍別其勤惰勇怯開坐奏知嘉靖四十二年五月二十三日題奉

聖旨是欽此

覆巡撫浙江侍郎趙炳然勦倭兩報捷首行賞疏題爲飛報捷音事職方清吏司案呈奉本部送兵科抄

出提督軍務巡撫浙江地方兵部右侍郎兼都察院
右僉都御史趙炳然題又題為再報捷音事俱奉

聖旨兵部知道欽此欽遵通抄送司案呈到部看得巡撫
浙江地方兵部右侍郎趙炳然題稱本年四月十七
并二十二等日倭賊分投流突金鄉石坪等處各該
官兵併力逐勦通共斬獲倭級二百餘顆一節為照
前項倭奴大勢雖在閩中近已連遭挫衄餘黨突至
浙上意在乘我踈虞乃今提督巡撫浙江侍郎趙炳
然誓竭忠猷力圖攘却躬親調度旬日之間兩見捷
音口受機宜二百之孽片帆未返較之遙制省城因

人成事者迥不相同相應先行錄叙以示優異合候
命下將趙炳然重加獎賞其餘有功悞事人員移咨都察
院轉行彼處巡按御史逐一查勘明實分別具奏一
面移咨趙炳然嚴督官兵仍爲後備務保萬全嘉靖
四十二年六月初二日題奉

聖旨是趙炳然督勦倭寇一月兩捷賞銀四十兩彩段二
表裡着用心飭備以副委任欽此

覆巡撫浙江侍郎趙炳然勦平鄰境倭寇覈勘疏
題爲仰仗

大威勦平鄰省經年巨寇飛報捷音事職方清吏司案呈

奉本部送兵科抄出提督軍務巡撫浙江地方兵部
右侍郎兼都察院右僉都御史趙炳然題奉

聖旨兵部看了來說欽此抄出送司卷查先該巡撫浙江
侍郎趙炳然題稱福建壽寧倭賊突犯處州慶元縣
地方隨被官兵勦敗退遁福安等處該本部覆奉

欽依行令閩浙督撫等官會兵勦除去後今該前因案呈
到部看得巡撫浙江侍郎趙炳然題稱福建原攻破
壽寧政和二縣倭賊流至福寧州流江沙埕結巢肆
掠與浙接壤本官親臨溫州調度水陸兵將約會夾
勦一鼓殲滅通共擒斬倭賊目級一百六十二名顆

打沉燒燬并奪獲賊船共七十五隻倭器一千八百
四十五件救回被虜人口一千九十四名口一節爲
照前項倭奴自去歲入犯福建始而攻破壽寧政和
縣治繼而侵犯松溪慶元地方結巢流江沙埕四出
劫掠一無忌憚乃今浙江巡撫侍郎趙炳然先事既
議夾攻全無爾我之分臨機決策奮擊寔舒華夏之
氣通計奪獲倭船七十五隻擒斬倭賊首級一百六
十有奇救回福建被虜人口一千九十四名口不惟
威振夷方抑且惠及隣境據其功出於常職之外計
其賞難拘常例之中事干激勸相應議擬合候

命下本部移咨都察院轉行彼處巡按御史將趙炳然等
項奇功并一應獲功効勞人員逐一查勘明實分別
具奏以憑通行陞賞凡獲人口作速送回福建給親
完聚福建巡撫都御史仍將收過人口開坐奏知嘉
靖四十二年六月初十日題奉

聖旨是這有功人員着巡按御史上緊查明具奏欽此

覆巡撫福建都御史譚綸恢復興化府治獻捷疏
題爲仰仗 玄威勦滅原襲府衛城池大勢倭寇恭先
飛報異常捷音上慰

聖懷萬里南顧事職方清吏司案呈奉本部送兵科抄出

提督軍務兼巡撫福建地方都察院右僉都御史譚
綸題又題爲水陸官兵勦殺新舊倭寇捷音事俱奉
聖旨兵部看了來說欽此又該巡按福建監察御史李邦
珍題爲接報倭情事奉

聖旨兵部知道欽此欽遵抄出送司案呈到部看得巡撫
福建都御史譚綸題稱本年四月內督同各兵備道
親至渚林會集三大營官兵以副總兵戚繼光兵爲
中哨總兵官劉顯兵爲左哨總兵官俞大猷兵爲右
哨中哨首當衝鋒魚貫而進直薄賊巢斬獲其倭首
級二千二百有奇火焚刃傷墮崖蹈海死者難以數

計奪回被虜男婦三千餘人衛所印信一十五顆即
今福州以南郡縣並無一賊及敘列獲功文武諸臣
乞要優錄又該本官題稱副總兵戚繼光副使汪道
昆等各發兵分伏要害俘斬首級一百四十五顆生
擒二十六名陣亡被傷兵夫一十六名又該御史李
邦珍題稱原在浙江金鄉地方倭寇棄船登岸突到
福寧州桐山金溪等處勦掠乞要嚴行各官乘勝殲
滅各一節爲照福建倭患起自嘉靖三十五年舊寇
方勦新寇復來東隅少寧西隅又失始而劫掠村庄
四野一空已而攻陷城池閩省盡震竟至興化之變

從來未見衣冠之禍慘毒極矣仰賴

聖皇在上誠感玄穹威行海表一鼓而斬首三千十年之
間方有此捷

九重而垂念萬里八閩之遠果見攸寧信非人力之顯能
實出神功之默相臣等目擊盛事不盡揄揚伏望擇
日謝玄以答禧貺臣等無任懇祈之至至於一時効
勞人員如巡撫福建都察院右僉都御史譚綸初承
簡命久負時名躬歷戎行文臣而任武將之事心懷忠蓋
一日而收數歲之功分守副總兵官署都督僉事戚
繼光貌僅中人勇踰萬夫超距先登獨入豺狼之穴

挺身力戰共稱熊羆之才以上二臣功當首論征倭
總兵官署都督僉事劉顯鎮守備兵官署都督僉事
俞大猷分營並進桓桓之氣可立加列聞專征表表之
名無忝以上二臣功當次論副以汪道昆叅議萬民
英原任叅政翁時器出入鋒刃不避艱危以上三臣
功當同論把總胡守仁郭成樂項陳倉楊文陳其可
蔣伯清傅應嘉指揮魏宗瀚名已把總朱相包堂郭
文劉添慶劉添榮劉招桂龔仁褚應宿俞義重俞義
安或血戰爭先或效死恐後以上一十九員功當優
論報効義士許朝光劉文敬邀賊歸路壯我軍威當

與胡守仁等一併優論巡撫江西侍郎胡松提督南
贛侍郎陸穩巡撫浙江侍郎趙炳然遺精銳而千里
赴援屈群力而一時助順以上三臣功亦當論福建
按察使萬衣左布政使曾干以運使何思贊知府易
道談知縣鮑宗沂任春元經歷王坊縣丞王繼祖陳
永運司同知劉汝順千長胡世杜招或裕餉紀功於
軍前或屯兵分守於信地均效勤勞功亦難泯其報
捷人役自當比照一百二十顆以上事例併行錄叙
事干激勸相應通行議擬合候

命下將譚綸戚繼光特加陞賞戚繼光仍加廕叙劉顯

大猷重加陞賞汪道昆萬民共量加陞賞胡守仁郭
成等一十九員并許朝光劉入敬同加陞賞胡松陸
鍾趙炳然重加賞賚萬表等一十二員量加賞賚報
捷承差盧灼舍人狄泗照例各陞三級仍賞衣服一
套陣亡兵夫巡撫衙門從厚優恤有功有罪人員仍
咨都察院轉行彼處巡按御史嚴勘明實分別具奏
其續到零倭備咨總督都御史袁辰臬公同譚綸嚴督
各該將領等官乘勝殄滅毋墮前功毋貽後患及照
原任巡撫都御史今聽勘游震祖在譚綸則稱其交
代而而授方略原任叅政今提解來京翁時器在譚

綸則稱其隨軍而戴罪殺賊合無併行巡按御史將
游震得備查先今功罪從公勘議應該作何發落徑
自具奏翁時器仍照前旨提解來京聽本部移咨
法司一併問擬既不宜以功略罪亦不當以罪掩功
但恩威出自

朝廷臣等未敢定擬嘉靖四十二年六月十四日題奉
聖旨是天地宗廟垂佑八閩底寧各官
寇數多功奏可加譚綸陞右副都御史
光陞署都督同知蔭一子與做原衛正
三十兩一表裡劉顯効勞日久
於祖職上陞二

千戶還各賞銀

照舊巡撫戚繼

勦謀戮力擒斬倭

級與俞大猷各賞銀二十兩紵絲一表裡汪道昆募兵
督戰陞一級萬民英陞俸一級各賞銀十五兩一表裡
胡守仁等各陞二級許朝光劉文敬與做原籍所鎮撫
與胡守仁等各賞銀十兩趙炳然胡松陸穩各賞銀三
十兩紵絲二表裡萬表等各十五兩其餘都依擬欽此
覆右給事中孫枝條陳重巡視嚴北試疏
題爲酌時宜陳臆見以仰裨

聖政萬一事職方清吏司案呈奉本部送吏科抄出戶科
右給事中孫枝題奉

聖旨該部看了來說欽此欽遵抄出送司案呈到部看得

戶科右給事中孫枝條陳二事合就開立前件議擬
上請定奪嘉靖四十二年九月初一日題奉
聖旨是這納級指揮例着便停止欽此

一重巡視以固海防看得戶科右給事中孫枝題稱
各該海防督撫軍門每擇省城腹裏住劄沿海要區
慢不巡視以致人心玩愒戰備廢弛欲要申飭督撫
甚得提綱絜領之意且福建地方近已平寧善後之
計相應一體處分合無依其所擬本部通行各該督
撫等官務將沿海通賊要區不時親詣閱歷兵卒寡
弱作何選練險要踈缺作何扼守錢糧匱乏作何處

給戰哨船隻作何增減村鎮城堡作何脩築一應
守事宜俱要從長計處經久可行應施行者徑自
行應具奏者各另具奏至於風汛時月大率與北
邊秋防相類尤為喫緊督撫官如再不行躬巡調
度仍復臨事支吾聽科道官并彼處巡按御史指
實叅究一覈比試以作將材看得比試之法載在
令甲總之以都督府定之以給事中守之以錦衣
衛每馳馬越一牆一溝箭俱中鎗不避利便者
鳴鑼二聲為雙收一聲者為單收不鳴者為不
中初比不中者食半俸再比不中降充軍此洪武
二十七年之令也一次不

中發開平再試不中發交趾三試不中發烟瘴地面
俱充軍別選子弟襲職此永樂六年之令也至永樂
十年復舊制三比不中者發充軍正統年間令比試
違限三年以上住俸二年二年以上住俸一年一年
以上住俸半年弘治六年令比試不中者悉照永樂
十年例行正德六年令父祖一輩未比住俸三年二
輩三輩住俸四年四輩以上止於五年至嘉靖十八
年復申明弘治六年之令二十年又有掌印叅提
罰之條節年事例最為嚴重邇年以來奉行者各
姑息之念應比者稍成苟且之風溝牆隄馬

同之弊誠如該科所論查得先年題准應襲兒男并
幼官兩京衛所送武學本部南京兵部主之外衛送
各府州縣學提學守巡等官試之正爲比試而設臣
等竊謂考校之條不飭則教不行於平日父祖之罰
太輕則人巧避於終身委當通行議處合無移文中
軍都督府及給事中錦衣衛今後比試務要遵照
大明會典越牆溝中箭使鎗雙收單收一一如式其伐
鼓鳴鑼催馬等弊嚴行禁治不得仍前姑息從事并
行總督戎政大臣每遇雙月比試之日選撥壯馬十
匹委官點赴教場聽監試官臨時分給官舍輪騎馳

射仍咨都察院轉行各省巡按御史及行五府所屬
京衛并各都司所屬衛所及在京上直衛所通將襲
過軍職二十歲至六十歲中有未經比試及比試不
中盡行查出在京限本年十二月南京南北直隸陝
西山西山東河南浙江江西湖廣福建廣東廣西四
川雲南貴州遼東宣大文書到日通限一年之內起
送赴比過限隱匿不送者巡按衙門先將各都司衛
所掌印官指名叅罰一面坐名呈院咨部以憑處置
除兩京武學本部與南京兵部申飭外衛聽提學衙
門通將應襲舍人及幼官年二十五歲以下務要嚴

行衛所府州縣正官及各教官用心訓練校藝之後
親赴教場如法比試量行賞罰庶廩祿不至虛糜將
材可得實用及照納級指揮大則有守備把總之望
小則有掌印僉書之任所關選法不小即今大工橋
工俱完各邊軍餉漸省前項納級指揮乞

勅戶工二部即行停止以前納過指揮原係軍職照常選
用中間有以監生民人加納曾經陞用或撫按保舉
或武舉中式者照舊管事未經推用未經保薦者不
分指渾千戶俱各革去管事果有奇謀異材如歐陽
深劉顯之數撫按方許明白薦舉不在限內

議遼東陣亡總兵官楊照卹典疏

題爲達賊入犯官軍奮勇追敵陣亡總兵官員事職方
清吏司案呈奉本部送兵科抄出巡按山東監察御
史黃襄題巡撫遼東地方兼釐理軍務都察院右僉
都御史王之誥題爲急缺主將乞 賜早爲推補以
安重鎮事總督薊遼保定等處軍務兼理糧餉兵部
右侍郎兼都察院右僉都御史楊選題爲軍情事俱
奉

聖旨兵部知道欽此欽遵通抄送司卷查先該遼東總兵
官殷尚質陣亡該本部議擬題奉

行款尚質遇虜敵戰死事可憫贈少保左都督廕一子
與敕指揮同知世襲賜謚立祠祭葬照例行欽此已經
通行外今該前因查呈到部看得巡按山東監察御史黃襄巡撫遼東都御史王之誥總督薊遼侍郎楊
選各題稱本年八月十九等日達賊侵犯廣寧鎮夷
堡地方總兵官楊照與賊對敵陣亡乞要將楊照照
例贈廕員缺急補楊選又稱王之誥先期往金州等
處巡歷未回事出倉卒未經會擬各一節為照總兵
官楊照驍雄宿望統馭長才深感

聖皇起廢之恩誓九死以圖報不忍地方受禍之慘故一

戰而云亡即其數月之間功成三捷據其一生之槩
威振群胡在本官則完名全節不負韜鈴之寄在部
卒則巷哭里踊真同父母之思既經總督撫按官具
題前來相應從厚議擬合候

命下將楊照比照殷尚質事例加贈謚塋葬仍廕子立
祠歲時致祭以慰忠魂其應襲兒男行令該衛保送
赴部照例襲陞三級所有員缺本部即查謀勇官員
會官推補一面移咨都察院轉行巡按御史黃襄速
將失事有功人員作速查明應襲應錄從實具奏以
憑覈議請定奪嘉靖四十二年九月十二日題奉

聖旨是楊照奮勇殺賊捐軀可憫着贈少保左都督廕一
子與做指揮同知世襲賜謚立祠祭葬等都照例行欽
此

遵諭戒嚴邊備疏

題爲欽奉

聖諭事職方清文司案呈奉本部送嘉靖四十二年九月
二十日寅時該內閣傳奉

聖諭我見風異兩作矣倏起自北來當承愛示內火須慎
邊犯宜備具楊照可見欽此欽遵傳奉到部送司案呈
到部臣等仰惟

皇上聖神文武加意邊陲兩因風色之異常特感

天心之愛示勅下臣等宜備邊犯查得入秋以來節該臣

等深以畿甸為重西則屢行總督尚書江東駐劄懷

來專備南山一帶自四海冶起至鎮邊城止聯墩大

牆併力修繕俱已完固宣府總兵官馬芳巡撫都御

史楊巍統率各枝兵馬俱隨江東在彼防禦其居庸

關黃花鎮渤海所裏口密邇

陵寢又有昌平總兵官何淮兵備副使栗永祿等晝夜戒

嚴不敢少怠東則屢行總督侍郎楊選駐劄密雲專

備古北口一帶自山海關起至石塘嶺止又有薊鎮

總兵官孫賡巡撫都御史徐紳兵備副使張邦彥盧
鑑紀公巡溫景茂等各領主客官兵分區防守臣等
屢飭文移不下二三十次即目九月將盡天氣漸冷
百穀告成地草半枯蠢茲醜虜似非深入之時但宣
府大同二鎮切近虜巢遼東一鎮三面臨夷陝西延
綏甘肅寧夏固原四鎮酋首倭荅久已移營西向侵
軼之患雖在十月以後仍當過慎除臣等馬上差人
再行江東楊選并陝西總督都御史郭乾一體嚴備
務保無虞嘉靖四十二年九月二十日題奉

聖旨是欽此

覆太僕寺卿劉畿等條陳馬政疏

題爲條陳馬政利弊懇乞

聖斷以清弊源以責實效事車駕清吏司案呈奉本部送兵科抄出太僕寺卿劉畿等題奉

聖旨兵部看了來說欽此欽遵抄出送司案呈到部看得太僕寺卿劉畿等條陳八事委爲馬政至計合就開立前件議擬上請定奪嘉靖四十二年九月二十二日題奉

聖旨准議行欽此

一停冗官大率謂本寺政務漸簡見任寺丞三員足

以任事欲將見缺三員暫行停補無非節財省官之意合無依其所擬移咨吏部將寺丞見缺三員免行推補以後事務若無甚繁不必再議添設

一禁科擾大率謂本寺直堂阜隸欲要另行酌處切緣舊規阜隸或取之寄養州縣或取之解俵州縣既非徭役之正實開科派之端委當釐正及查本寺原有直堂十名直廳二名合無斟酌所擬比照通政使司事例以後阜隸卿二十名少卿十名寄養少卿量加三名寺丞五名每名每年准銀十兩自嘉靖四十四年為始俱於各省解到缺官銀內動支雇人應役

該寺舊有直堂直廳一十二名通融轉用不許重支其原取早役地方通行除豁有司如敢仍前科擾聽該寺叅呈本部重加究治

一清紙贖大率欲將紙贖立法稽查貯庫買馬就作本寺公用一舉兩得委為有益合無依其所擬咨行各該撫按衙門轉行各屬將該寺并寄養紙贖通行查明置立循環文簿一切倒換等項事宜悉照所擬施行該寺并寄養少卿公用每年共該銀二百六十兩自嘉靖四十二年為始就於常盈庫紙贖銀內支用年終備將支過數目呈部查考

專責成大率欲要州縣掌印官專管馬政無非委任責成之意合無依其所擬咨行各該撫按衙門嚴行各該掌印官以後務要遵照近日題准事例親管馬政應解馬匹馬價子粒租稅銀兩依期起解如敢仍前違玩及轉委他官聽該寺指名呈部照例叅究一慎驗收大率欲將本色馬匹必須揀選身高四尺兒馬五歲驢馬八歲以下方許起俵每府各降官尺令其依式製造分發州縣驗買解俵以省到寺駁回之費如果驗退數多查照馬政條例將管馬通判州縣掌印官叅究如有權貴抵換及各該有司侵剋群

醫馬販交通作弊者併行叅究簡易可行公私均便
合無悉如所擬施行

一嚴寄養大率欲要查驗馬匹註冊調允及嚴禁一
應養馬奸弊并令提督少卿巡歷比較舉行獎勵年
終一行合用禮儀毋擾馬戶委於寄養有益合無通
行撫按衙門嚴行寄養州縣掌印官備將本處馬匹
不時查點堪允不堪允辨驗明白雙月備造月報文
冊送寺以憑調允如有造報遲違開註不實調允之
時退回數多者聽本部及該寺叅究其餘禁革奸弊
少卿巡歷舉行旌獎等項悉如所擬施行

一平出納大率欲將本寺法子改造其改折馬價州縣止令僉取殷實馬戶四名或二名管解深於事體民情兩爲有益合無依其所擬轉行京營科道官同本部主事將太倉本寺二庫法子面加較量輕重如果不同移咨工部另行改造給發見貯在庫銀兩即用新給法子逐一覆兌明白徑日具題以便出放一面通行各府州縣以後起解馬價止于馬戶內僉取家道殷實者多則四名少則二名公同解馬官吏解納

一均借兌大率欲將借兌馬匹依名派調如果不堪

責令崔覓好馬抵借及令河南山東少助七府或將
七府馬匹量攤入河南山東馬內固是均平齊一之
意但備用馬匹額數已定此減姑增未免又成紛擾
況種馬調兌出自一時權宜原非舊例合無斟酌所
擬以後七府種馬免其調用每年止於寄養馬內題
定數目挨次借調行令各府州縣務要勞逸適均不
許豪猾馬戶夤緣脫免以致偏累

覆福建撫按官譚綸等條陳善後事宜疏

題爲地方倭寇暫寧條陳善後事宜以圖治安事職方
清吏司案呈奉本部送六科抄出提督軍務兼巡撫

福建地方都察院右僉都御史譚綸巡按福建監察御史李邦珍題俱奉

聖旨該部看了來說欽此欽遵抄出送司案呈到部看得福建撫按官譚綸李邦珍會陳五事委為八閩善後之策合就開立前件議擬上請定奪嘉靖四十二年十月初三日題奉

聖旨這本內所擬失陷城池罪例你部裏還會同三法司詳議來說其餘都准行欽此

一議復水寨以扼外洋大率欲照舊制以烽火門南山日浯嶼三觔為正兵銅山小嶼二觔為遊兵隨舉

原任守備秦經國等五員各堪任使中間酌量才器
充為允當臣等無容別議合候

命下將千戶傅應加充小岵把總指揮僉事魏宗瀚充烽
火門把總百戶鄧銓充銅山把總原任指揮今降正
千戶秦經國充浯嶼把總千戶羅繼祖充南日山把
總內係千戶百戶者量陞署指揮僉事本部給與劄
付仍各照例以都指揮體統行事其餘分信地明斥
堠嚴會哨殿功罪等項事宜悉如所擬徑自施行
一議處兵將以責實效大率欲將副總兵官戚繼光
用為福建總兵官俞大猷仍回伸威營與南贛軍門

事權一體在福建止管汀漳二府山寇福建三路叅將改爲守備隨舉把總指揮胡守仁等三員及要添設總兵官下坐營都司一員把總二員并將遊擊員缺各舉一人前來悉皆得之目擊臣等無容別議合候

命下將副總兵戚繼光改爲鎮守福建總兵官管領福興漳泉延建邵武福寧金溫九府一州其總兵官俞大猷仍回伸威營照舊鎮守止管汀漳二府山寇本部定擬責任各另請換勅諭行事把總指揮胡守仁充中路守備領兵指揮王如龍充北路守備福建都

司署都指揮僉事耿宗元仍以原職帶管南路守備
各照原分信地俱聽總兵巡撫官及統督監軍道節
制添設坐營都司以北路守備羅章充補統領標兵
把總二員以指揮陳濠金科充補遊擊員缺以江西
南湖守備李超量陞署都指揮僉事充補應請

勅者照例請 勅應給劄者徑自給劄其餘開設鎮宇教
場公署分布合營等項事宜悉聽巡撫官徑自酌處
施行

一議處客兵以備常戍大率欲將前項浙兵分爲上
下二班每班務足九千名上班七月初一日爲始分

布教練以防小汛下班者以七月初一爲始差官押送回籍至十月初旬聽各把總統領上班以防春汛汛畢仍於六月終散回又以前班兵夫限七月初旬上班以防秋汛及要浙江巡撫等官一體優恤人情兵政計處停安臣等無容別議合候

命下備行福建該管官查照原擬徑自施行一面移咨浙江巡撫侍郎趙炳然通行該道及府縣等官以後務要一體存恤把總等官敢有變亂行伍違悞戍期及私赴他處投用者查出從重究治

一團練主兵以固根本大率欲將各縣額設民壯責

成守巡兵備該道嚴督府縣掌印巡捕等官通行查出汰其老弱補以精悍給以甲兵編成隊伍分爲班次一班屬之該縣掌印官訓練防守一班屬之巡捕官赴府團操每府仍聽撫按官會委知兵武職一員充把總名色統督該府掌印官監督該道以時閱視別其勤惰賞罰小警則各自戰守大警則互相應援食不重費兵自可足允爲地方長久之計合候

命下備咨福建撫鎮等官嚴行守巡兵備等道府縣掌印巡捕等官務將原額民壯通加精選編定班次着實舉行敢有仍前因循誤事者聽撫按官查叅究治

一申明職守以振頑惰大率欲要申明條例分別職
守凡沿海及腹裏府州縣與衛所同住一城及衛所
自住一城者若遇攻圍不能固守衛所掌印捕盜俱
照守邊將帥失陷城寨者律斬其府州縣捕盜掌印
官不能協守者俱起送吏部降一級別用如鎮海等
衛定海等所官軍自住一城無居民相錯者責之該
衛掌印捕盜官編定精壯食糧官軍署名防守其不
食糧軍餘舍餘亦要編派協助衛所與府州縣同住
一城者亦照例編定先儘官軍後以機兵及居民湊
補若有失事悉照前例分別擬罪如賊勢重大攻圍

本朝...
緊急許赴附近守備處請發援兵依期嚮往如援兵
過期不至因而失陷者領兵官亦照律擬罪若爲賊
所襲原非攻破止罪坐本衛所官劑量斟酌情法兩
盡但係干刑名臣等未敢輕議合候

命下移咨刑部會同都察院大理寺徑自議擬具奏定奪
奉 旨再議總兵官劉顯等功賞疏

題爲廣寇餘孽流劫江閩官兵屢戰大勝飛報捷音事
職方清吏司案呈該本部題先該巡撫南贛汀漳等
處地方提督軍務兵部右侍郎兼都察院右僉都御
史陸穩總督廣閩軍務兼巡撫兩廣地方都察院右

都御史張臬題該本部議擬覆題節奉

聖旨是劉顯等陞賞與今功次是否一事你部裏還查明
來說欽此欽遵抄捧送司卷查先該本部議得見任南
京坐府署都督僉事劉顯以原職充總兵官南贛叅
將俞大猷以原職署都指揮僉事充副總兵前去廣
東將張璉等巢穴刻期掃平如廣賊已平即便徑赴
福建就將山海之賊設法勦滅題奉

聖旨都依議行劉顯等着上緊前去進勦不許怠慢欽此
又該江西廣東紀功監察御史段顧言題爲仰仗

天威平逆功成事該本部覆奉

欽依俞大猷陞一級劉顯賞銀二十兩一表裏欽此又該巡撫福建都御史譚綸題爲勦滅原襲府衛城池大勢倭寇恭先飛報異常捷音事該本部覆奉

欽依劉顯着於祖職上陞二級與俞大猷各賞銀二十兩紵絲一表裏欽此又該總督廣閩軍務都御史張臬題爲官兵勦平原襲府衛城池倭寇事該本部覆奉

欽依梁守愚賞銀十兩欽此節經通行欽遵去後今該前因查呈到部臣等看得總兵官劉顯俞大猷欽奉

勅諭廣東福建等處山寇倭寇均有勦平之責所據賊首溫鑑梁道輝等原係張鍾林胡璣餘黨據今擒捕之

功與張璉林朝曦似爲二事邇前狂悖之罪與張璉
林朝曦本係一事况近日福建之捷各官又蒙大賚
恩隆重至再至三提督侍郎陸穩原奏之內除去福建
巡撫都御史譚綸江西巡撫侍郎胡松之賞意誠有
見於此但功疑惟重激勸攸關合無仍將劉顯俞大
猷各加賞賚梁守愚量加賞賚但 恩典出自

朝廷嘉靖四十二年十月初五日題奉

聖旨是劉顯俞大猷各賞銀二十兩紵絲二表裡梁守愚
十兩一表裡欽此

覆給事中歐陽一敬申明緝訪事宜疏

題爲據竭愚衷酌處緝訪事宜以廣

聖恩事武選清吏司案呈奉本部送兵科抄出刑科給事中歐陽一敬題奉

聖旨該部知道欽此欽遵抄出送司查得邦政內弘治二年該禮科給事中韓重等題本部覆議具題節奉

孝宗皇帝聖旨是拿強盜的應捕人員舊不該陞今定與例果係賊衆勢兇登時捉獲三名爲首下手的准陞一級爲從者給賞不係應捕人員也要登時捉獲及打劫後三個月以裏緝獲的量陞一級其餘月久的給賞比因拿賊已陞了的以後捉獲功次仍照宣德年間例止

給賞但有違例乞保陞的科道官指實奏來處洽欽此
又查得正德十六年該兵科題該本部議擬今後但
有捉獲強盜果係登時捉獲賊仗見存已經法司問
擬明白無冤者將問過備細招由及應捕人等姓名
粘連本部附卷奏候每三年一次通將前項捕盜人
役查照捉獲強盜名數照依舊例類奏陞賞等因節
奉

聖旨是欽此又查得嘉靖二十七年堂稿內爲照例三年
類奏等事覆議得先年本部題議行令廠衛衙門今
後每年終將各項獲功之人職役姓名勞績緣由首

後的數備造文冊用印鈐蓋開送本部附簿登記候至三年類奏下之本部查對相同仍行法司覈實應陞應賞遵照格例議擬覆奏提督官酌量陞賞取自上裁間有奇功異績荷蒙優錄出於一時

特恩者毋輒援引陳乞以墮成憲該衛鎮撫司鞫問各項罪犯事完具奏之日止開獲功人員的確首從名數用備查考毋輒議及陞賞以紊常期伏候

命下備行嚴衛衙門一體永為遵守奉

聖旨這賞格依今查擬永為定例違例的着該科糾奏欽此欽遵外今該前因查呈到部看得刑科給事中歐

陽一敬其題前因大率謂一時廠衛法司諸臣仰承
休德刑期無寃但緝訪止屬風聞每獲一犯即紀一
功雖有兵部覆勘不過查例陞授欲要今後待法司
成獄方許紀功每當類奏該部同廠衛會題仍勅兵
刑二部勘對明白請 旨陞賞各一節為照廠衛衙
門職守緝捕奸盜并機密等項重務載在

勅諭提督官及辦事官校間有奇功荷蒙不時陞賞出自
特恩至於三年類奏法司覈實本部方議陞賞乃係見行
事例所據給事中歐陽一敬所論詞多剴切無非申
明舊典之意查得自本年正月以來廠衛兩衙門並

無一功具奏到部一時諸臣仰承休德刑期無寃該科已經備言臣等無容別議但先年之弊政可以爲鑒後時之弊端不可不防係干刑賞相應議擬合候命下移文廠衛衙門今後緝訪奸盜一一遵照勅諭緝捕功次除訪獲機密重情奉有

特旨者各另題覆外其餘妖言強盜等項俱送法司審擬無寃照依舊例每年逐一將各起招由略節類咨本部備照通候三年本部備行法司覈查明白類本具奏明開某人項下獲某功次法司問擬某罪除三年之內已經陞授者難以再議其餘通行覆議上請定

奪中間如有冤抑悉聽法司不構成案徑自辯理
靖四十二年十月初十日題奉

聖旨是欽此

會議失陷城池罪例疏

題爲地方倭寇暫寧條陳善後事宜以圖治安事先該
兵部題兵科抄出提督軍務兼巡撫福建地方都察
院右僉都御史譚綸巡按福建監察御史李邦珍會
題內一款申明職守以振頑愾該本部覆議題奉
聖旨這本內所擬失陷城池罪例你部裏還會同三法司
詳議來說其餘都准行欽此欽遵臣等遵奉

明旨會同刑部尚書臣黃光昇等都察院左都御史臣張永明等大理寺卿臣遲鳳翔等議得失陷城池一事在律止槩言主將而未及副叅遊守都司等官之詳在例止歸咎武職而薄其守巡兵備有司之罪但中間責任不能盡同即如同一州縣有與衛所同住一城者有不同住一城者有一城兩縣三縣者同一守巡兵備有遙制其屬者有身住其地者兼之守巡兵備有司一聞警報有避賊潛匿者有棄城逃走者必須逐一分別停妥情法方得兩盡查得問刑條例續議軍政條下一款凡沿邊沿海及腹裏府州縣與衛

所同住一城者及衛所自住一城者若遇大虜及盜賊生發攻圍不能固守或棄城逃走或開門延賊致賊進入殺擄男婦三十人以上者燒毀官民房屋衛所掌印官與專一捕盜官俱比照守邊將帥失陷城寨者律斬其府州縣掌印官及捕盜官與衛所同住一城者不能竭力協守俱起送吏部降一級別用其餘府州縣不分各邊腹裏原無設有衛所但有專城之責者若有前項失事掌印捕盜者俱比照牧民官激變良民因而失陷城池律斬罪其自來不曾建立城池與雖設有城池被賊潛踪隱跡設計越城進入

劫盜事出不測雖有前項失事俱不得比用此律守
巡兵備止於叅究治罪量事情輕重臨時奏請定奪
切詳此例見今雖在遵行但棄城逃走失陷城池府
州縣掌印捕盜官止降一級別用守巡兵備官止於
叅究治罪情重罪輕殊為未妥合無今後不分沿邊
沿海腹裏都司衛所自住一城及與府州縣同住一
城但遇賊寇攻城不行固守或先期避出或臨時棄
去致賊入城及守備不設為賊掩襲而入殺擄男婦
三十人以上焚燒官民房屋者都司并各該城分衛
所掌印與專一捕盜官俱比照守邊將帥失陷城寨

者律斬同住府州縣掌印與專一捕盜官不行固守而輒棄去失陷者亦比問斬若在城固守止因防禦不固失陷者比照守邊將帥被賊侵入境內擄掠人民者律發邊遠充軍若兩縣與衛所同城者止以賊從某縣所管城分突入掌印與專一捕盜官各照前二項治罪其餘府州縣佐貳首領官但有分守信地致賊於所守去處攻打掩襲入城者亦比照被賊侵入擄掠之律充軍若各城原無設有都司衛所而府州縣職守專城但有前項失事者不分不行固守棄去及守備不設各掌印并專一捕盜官俱比照守邊

將帥失陷城寨律斬若兩縣同住府城亦止以賊從
某縣所管城分突入掌印與專一捕盜官各照前比
問斬罪其餘府州縣佐貳首領官但有分守信地被
賊於所守處入城者并各州縣自來不曾設有城
池被賊攻入劫殺焚燒者亦比照被賊侵入擄掠律
充軍其守巡兵備官駐劄該城先期托故遠出臨時
潛踪避匿及守備不設以致失陷者亦比照守邊將
帥被賊侵入境內擄掠人民律充軍守巡原無定駐
止是遙制失陷者叅奏為民仍將先議兵律軍政下
續行條例沿邊沿海失陷城寨一條刪去不用將今

議定之例通行內外問刑衙門刻入兵律軍政條下
永為遵守嘉靖四十二年十月十五日題奉

聖旨是你每既會議停當着著為例欽此

奉 旨條上戰守方略疏

題為遵奉

明旨條議戰守事宜以禦虜患事職方清吏司案呈奉本
部送該本部題稱虜賊突入牆子嶺緣由奉

聖旨這虜賊既已內犯着馬上行與楊選賢兵戮力勦殺
馬芳姜應熊你部裏速調入援其餘戰守事宜便條具
來行欽此欽遵抄捧到部送司案呈到部臣等看得前

項醜虜既已突入牆子嶺切近三河平谷等縣一應戰守機要除已經本部具題奉有

欽依外其餘應行事宜合就議擬開坐上請定奪嘉靖四十二年十月二十二日題奉

聖旨這所擬事宜都准行賞格使出榜曉諭欽此

一賊既入境薊昌二鎮擺牆拒守之兵俱已無濟於事合無速行總督楊選督同總兵官孫臚何淮巡撫都御史徐紳將見在各枝主客官兵通行調集分為三路一路隨賊所至截勦一路不拘京城四外有警無警分布擺守一路不拘

陵寢有警無警分布防護務要盡心戮力早逐出境有功
之日具奏陞賞怠緩慢事者 國典具存自難輕貸
一賊虜既入薊境宣大地方自無別警除已調宣府
總兵官馬芳統兵六千員名大同總兵官姜應熊統
兵三千員名各入關應援外所有宣大標兵并遊兵
俱當徵調以濟緩急各無速行總督尚書江東作速
起發入關其江東應否親統前來聽其酌量彼中急
緩徑自計處

一保定所轄紫荊諸關已無別警除總兵官祝福先
已調來薊鎮外合無速行都御史李遷將見在漢達

官軍通行調齊親自統領前赴良鄉一帶聽候應援
一京營官軍除該營徑自具題一應城守事宜俱已
詳備外但查虜賊原自薊鎮發作城東與城北仍屬
喫緊合無備行戎政大臣顧寰喻時於東北二方多
發勁兵協力防禦二臣亦要不時往來綜理以伐虜
謀其內外城守自有英國公張溶本部侍郎胡松相
兼調度應徑行者徑自施行

一各枝兵馬既經調集師行糧從理當預備令無吝
行戶部於昌平通州良鄉順義等州縣但係適中去
處各多備糧草以為軍馬經行支用

一城守大臣舊例動支官銀四千兩專備犒賞支用
其在目下委爲急務合無劄行太僕寺於馬價銀內
動支四千兩送英國公張溶侍郎胡松收貯應用事
寧之日如支用不盡或全未支用仍行還官

一呂平 陵寢無警之先已該臣等預先行總兵官
何淮兵備叅政粟永祿將居庸鎮邊二區擺守官軍
俱已分布拱護外但事體隆重兵不嫌於多調合無
速行黃花鎮叅將申維岳兵備叅政粟永祿將該區
擺守應援兵馬盡行調赴昌平聽何淮等相兼守視
一通州地方糧米船隻均係緊要其張家灣一帶尤

商賈輻輳之所除差人口報該州已經知州張守中等嚴謹防禦外合無速行總督楊選再添勁兵一枝前去協守以圖萬全

一攻其必救兵家所急虜賊既已擁衆而來未免遺有老小在營若使宣大二鎮各行搗巢自足制其內顧合無速行大同都御史劉燾宣府都御史楊巍責令將領選差敢死之士分投徑入賊巢或殺其首級或起其頭畜以伸華夏之氣各另具由奏知本部仍行楊巍先將此意傳播賊營令其牽制內顧一賊虜擁衆突入神人共憤即今官兵雲集中間豈

無忠勇之士相應立法激勸令無不爲常例一應人等但能斬獲虜首一顆者照例賞銀五十兩願陞者陞一級斬獲小頭目一顆者賞銀一百兩願陞者陞二級斬獲大頭目如辛愛把都兒者賞銀五百兩大陞三級各該總督鎮巡等官明白諭衆知之

覆都給事中丘橈等條陳禦虜事宜疏

題爲條陳禦虜事略以少裨安攘事職方清吏司案呈奉本部送兵科抄出兵科等科都給事中等官丘橈等題奉

聖旨兵部便看了來說欽此欽遵抄出送司案呈到部看

得兵科等科都給事中丘樞等條陳禦虜事宜均為
目前要務合就開立前件議擬上請定奪嘉靖四十
二年十二月二十四日題奉

聖旨准議行欽此

一遣大臣以控要地大率欲要通州昌平各差大臣
一員前去防守除昌平猛將見奉

聖諭該本部議用總兵官劉漢外亦得順天巡撫都御史
徐紳昨晚已隨總督楊巡趨東直門後因總兵官胡
鎮中路與賊交戰復回通州該州原係本官所管地
方即使與總督同行不過隨行逐隊無益於事合無

就留徐紳專守通州并張家灣一帶見在官兵徑自酌量留用其先前發去京兵一枝亦聽徐紳調度一嚴巡捕以消內萌大率欲要嚴謹巡捕先該臣等備行提督馬陽輝不拘常規將內班尖哨通行調集分布內外各該地方晝夜巡視已經本官將撥過官軍數目開呈在卷合無就行馬陽輝并本部巡捕郎中朱棠用心督理各該倉場尤當謹備風火仍行嚴衛五城兵馬等衙門一體巡緝以消內宄以靖外患一速飛報以諳虜情大率欲嚴謹傳報此誠軍中之要務查得今次校虜自入牆子嶺之後因亂山崎嶇

結營二日方始開搶以故道路少阻消息不通合無
容臣等通行總督鎮巡等官多差乖覺夜不收人等
不時哨探虜之一動一靜皆來傳報庶我之耳目既
明調度自便

一截歸路以收邊功大率欲要邀其歸路此誠兵家
之上筭竊料得此虜在西必由高崖等口以出宣府
在東必由石塘古北二口以出興州再東則由舊路
或馬蘭一區以出流河合無預行總督宣大尚書江
東巡撫宣府都御史楊巍於高崖口內外石塘嶺聚
將董麒兵備叅政張邦彥於大水谷白馬關等處古

北口叅將郭琬兵備副使盧鑑於古北口龍土峪等處薊州兵備副使紀公巡於馬蘭峪等處多設勁兵或衝其前或截其後務成三捷之功

遵諭餉戰將營中疏

題爲傳奉事職方清吏司案呈奉本部送本年十月二十六日酉時於迎和門該司禮監太監黃錦傳奉聖旨胡鎮見在通州河東追賊便差官一員於通州倉多支糧料就於楊選徐紳營內撥軍運送與他令奮勇勦殺有功重加陞賞兵部知道欽此欽遵傳奉到部送司案呈到部看得原任副總兵官胡鎮節該

總督侍郎楊選報稱斬獲首級不多奪回人口生畜甚多又稱連日與賊在河東血戰被賊砍傷二刀見今正當交戰忠勇之略殊為可嘉荷蒙

皇上念其敵愾之勞恤其缺食之苦特令臣等差官前去通州運送糧料諸將聞之有不感激思奮者是無人心也但與胡鎮一時同戰諸將如叅將黃演王孟夏白文智遊擊王世英馬永徹石玉李世倫等莫不爭先迎敵賊雖四圍齊撲各將親率精悍火器手更番打射打死達子無數賊見我兵猛勇時將精騎更番衝突亦不敢開營其總兵孫賡遊擊趙濤往來轉戰

至今尚無下落據其感 恩圖報之心似亦不在胡鎮之下所據前項糧料相應一體處給合候

命下本部劄委佐 堅將軍金璋前去通州公同戶部管糧官督同知州 依守中即將見在糧料多多運至胡鎮等戰場以濟 其急如果熟食可處處給熟食更為便利仍行總督 飭選巡撫徐紳撥軍護送務保無虞各官如能立有 可功 朝廷自有重大陞賞退縮觀望國典具在自難 贅言嘉靖四十二年十月二十六日題 奉

聖旨是這同戰諸 行一體運給糧料委官着便去欽此

奉 旨查保定總兵官祝福入援後至疏

題爲護衛重城職方清吏司案呈奉本部送兵科抄
出總督宣大小西等處地方兼薊保軍務兼理糧餉
太子少保兵部尚書兼都察院左副都御史江東題
奉

聖旨是保定去京師比宣大爲近祝福如何入援獨遲兵
部便查明來說以此抄出送司案呈到部臣等遵奉

明旨查得總兵官祝福賊虜未入牆子嶺之先已該臣等
調至良鄉縣候賊虜旣入牆子嶺之後又該總督
楊選調至石營截殺久在應援之列緣無遷延之

事以故臣等今日覆議犒賞關於宣大二鎮諸營之
後即今本官見在城外合無遵奉

特旨即令其於通州地方應援胡鎮惟復別有處分伏乞
聖裁嘉靖四十二年十月二十六日題奉

聖旨是祝福既無遷延情弊准照姜應熊例給賞欽此

遵 諭分兵護守 陵寢疏

題爲傳奉

聖諭事職方清吏司案呈先該本部題該 內閣傳奉

聖諭馬芳當留此處戰守陵寢更一猛將欽此欽遵除選
差原任總兵官劉漢前去外今據鎮守昌平總兵官

何淮呈稱會同劉漢將調到邊兵并永鞏等營官軍
分布於外京營兵馬四枝分布於內其山後將黃花
鎮守備邵良移住黑山寨拒堵樓子峪鐫關兒等處
晝夜加謹防禦本職與劉漢統領援兵於適中衝要
喫緊東山口列營往來調度等因到部送司案呈到
部看得護陵官軍仰蒙

皇上遣發原任總兵官劉漢會同總兵官何淮兵備叅政
栗永祿逐一分布明白為此具本題知嘉靖四十二
年十月二十七日題奉

聖旨知道了欽此

分布兵馬責成戰守疏

題爲整搦兵馬分布險要務期勦殺以伸華氣事職方
清吏司案呈照得醜虜連日被我官軍血戰追逐雖
已出境但天時尚暖地利相近不可不防呈乞查處
案呈到部看得前項醜虜悖逆天道突犯近圻頃賴
皇上聖神文武洞燭機宜上感玄穹有雨施風作之異下
憂黎庶示陳兵選將之方以致官軍奮勇孤山等處
既血戰於先古北等處又邀擊於後即目虜雖出境
在我隄備不容時刻急緩合候

命下移咨總督尚書江東速將後開官軍分布停妥應守

者令其盡地拒守應戰者令其環甲待戰應發還者
早為發還以省日費稍候總督劉燾至日交代明白
另行奏請定奪嘉靖四十二年十一月初二日題奉
聖旨宣大二鎮無官芳應熊着急回鎮其餘依擬速行欽
此

一議處本地主兵合行總督尚書江東將古北石塘
黃花馬蘭峪牆子嶺太平寨燕河營居庸關鎮邊城
各區主兵督同巡撫都御史溫景葵總兵官胡鎮照
舊分布防守而古北石塘黃花鎮牆子嶺四區尤為
喫緊必須天寒河凍方可解嚴

一議處入衛舊兵合行總督尚書江東督同巡撫都御史溫景葵總兵官胡鎮即將宣大等處原先入衛官兵通行查明應畫守者令其畫守應出戰者悉聽胡鎮團聚操練專備截殺務期士氣大揚兵威丕振一議處新調援兵合行總督尚書江東督同巡撫都御史溫景葵總兵官胡鎮即將新調宣府大同保定山西遼東兵馬通行查明應畫守者令其添守各區應出戰者悉聽胡鎮團聚操練專備截殺務要仰感皇上資卹之恩彼此協力共奏膚功中間如有弱兵弱馬應該發還者徑自發還

一議處京營官兵合行總督尚書江東督同巡撫都御史溫景葵總兵官胡鎮何淮即將京營守

陵兵四枝并密雲截殺兵二枝通行放回其總兵官劉漢兵馬照舊於昌平操練另候進止

條上經略薊鎮善後十事疏

題爲經略薊鎮善後事宜以弭虜患事職方清吏司案呈照得醜虜匪茹突至近圻今雖追逐出境善後之策呈乞早處案呈到部臣等竊惟薊昌密邇京

陵自庚戌虜變以來議守之計獨詳議戰之計稍略即如昨者三河平谷之警仰仗

聖皇在上玄威震疊風雨助順恩遇優隆兵將爭先以致
孤山之連戰古北之一擊誠自來未有之事但各兵
一時雖稱雲集多係宣大遼保山西之人無警常使
候援則勢有不能臨警方行徵調則緩不及事其在
今日必須別為規格方克有濟臣等待罪本兵不揣
庸淺僭陳十事伏望

皇上俯賜採覽勅下遵行本部備行總督都御史劉燾巡
撫都御史溫景葵仍將未盡事宜作速會奏定奪嘉
靖四十二年十一月初四日題奉

聖旨是這所議便行與薊鎮并宣大三邊各總督鎮巡等

官着實舉行應計處的及未盡的作速目奏不許怠玩
悞事欽此

一議處督總標下親兵臣等議得近日胡鎮孤山之
戰多得標兵之力但軍門舊設標兵止有一枝其總
兵巡撫原無標兵以臣等愚見此等勁兵必須新舊
總設五枝計該一萬五千名操演精熟方得實用合
無將總督劉燾下再添標兵一枝總兵胡鎮何淮巡
撫溫景葵下各設標兵一枝每枝務足三千名或於
各區見兵內挑其精銳或於各處家丁壯漢內多方
招募合用銀兩就於山東河南民兵銀內動支不敷

之數作速具奏聽本部與戶部會同計處臣等又據經始之初全在得人除叅將王孟夏見管總督標兵外查得叅將黃演堪管總督下新添標兵守備董一元堪管總兵胡鎮下新添標兵原任叅將李康民堪管巡撫溫景葵下新添標兵進擊王世英堪管總兵何淮下新添標兵一切應行事宜就聽黃演等以次經理此後遇有警報總兵官胡鎮即將五枝合為一營相機勦殺即使援兵未至庶亦不至誤事各官勅書旗牌等項照例請給原係叅將者仍以叅將管遊擊事務不係叅將者量陞署都指揮僉事充遊擊將軍

一議處各鎮入衛邊兵臣等議得延綏寧夏固原宣
府大同遼東保定七鎮入衛兵馬初調之時人強馬
壯甚於薊鎮有濟即如嘉靖三十三年臣博在古北
口等處與虜相持大率多得邊兵之力乃今因循既
久人心玩愒徒有三千兵馬之名殊無三千兵馬之
實或以老弱參與其間兵為疲兵或以疍羸苟充其
數馬為弱馬往返奔馳徒勞無益合無備行各該總
督鎮巡兵備等官今後入衛之兵務要揀選好軍好
馬方許調遣起行到薊之日本部選差風力司屬官
一員前去點閱如敢仍蹈風弊密臣等指名叅奏重

加究治

一議處隣鎮添調援兵臣等議得薊鎮與宣府遼東保定相去最近其次則大同山西即如近日三河平谷之警雖因臣等預先徵調實以地里稍近故不及旬日士馬雲集但中間精强者固有疲弱亦居其半相應通行整飭令無備行各該總督鎮巡兵備等官各將正兵遊兵逐一揀閱軍與馬務足三千之數如軍不足應該招募其銀兩於何項內動支馬不足或本色折色應於何項內處辦文書到日限半月以裏各另回奏聽本部與戶部會同計處若果士馬精強

在本鎮可以壯邊圉之威聲在薊鎮自當收應援之
寔效

一議處薊鎮總兵駐劄地方臣等議得薊鎮總兵官
先年駐劄三屯營專為朵顏三衛撫賞即今古北口
石塘嶺等處既稱虜衝在總兵職任於撫夷為緩於
勦虜為急緣三屯營相去軍門數百餘里遇有警報
自是無濟緩急查得石匣營實當密雲古北石塘牆
子嶺四處適中之地合無於防春防秋之日總兵移
於石匣營駐劄帶領正兵并新募總兵下標兵相機
戰守夏久無事仍回三屯營操備庶與軍門聲勢聯

絡氣脉通貫

一議處牆內險隘設伏臣等議得古北諸區牆內如潮河川等處多有險隘可據即如近日叅將郭琥伏砲一擊狂賊落膽若使各區但有險隘去處諸將盡能如此虜之入也可以扼其吭虜之出也可以攻其心比之角力血戰者難易自別今無備行總督劉燾總兵胡鎮巡撫溫景葵嚴督各區劉叅等官各將本區險隘去處或暗設地坑或多置伏砲或以水攻或以火攻一面各另畫一水墨小圖送部查考一面定期舉行如敢違悞指名查叅以憑請

旨拿問兵法所謂多方以誤之者譬之醫家用藥未必方
方皆中但中一方即為對病

一議處入衛邊兵糧賞臣等議得各邊入衛之兵遠
離鄉井辛勤萬狀必須優其糧賞方能鼓其敵愾之
氣往年糧料充足賞賚隆渥以故士嘻馬騰足堪戰
守乃今應得糧料既給不以時散兵賞賜又歲加減
削以致諸軍往往私賣戰馬以充食用殊非事體合
無備行總督劉燾會同巡撫溫景葵督同薊鎮昌密
管糧郎中并各該兵備等官從長計議糧料應否加
增或通給本色賞賜應否復舊或量為從厚作速回

奏聽臣等與戶部會同酌處

一議處宣遼境外哨探臣等議得西虜俺答把都兒黃台吉之巢在宣大邊外東虜土蠻黑石炭之巢在遼東邊外一則山川隔遠難於預得其形一則屬夷勾煽多致反覆其說先年建議之臣謂大同得其情宣府得其形薊鎮不過因魔問病誠為確論即如頃者虜患半月之前宣府獨石境外先已瞭見以故臣等得以預調邊兵足爲明驗除遼東原係軍門節制外合無將獨石叅將兼聽薊遼總督節制如遇白草川三間房等處哨見虜形即便飛報薊遼總督軍門

薊鎮有功則與之同賞如或悞事一體治罪仍增入
叅將 勅內另行換給叅將既與薊鎮休戚相關則
耳目自明以戰以守均為有賴

一議處州縣軍民屯堡臣等議得收保之法大者為
城其次為堡再次為墩雖大小不同必須高堅深厚
方能賴其保障臣博往年巡撫甘肅嘗創為墩院之
法大率每村一二十家共築墩院一座或有力者能
家築一座亦從其便嘉靖二十九年虜犯涼州毫毛
未嘗有失以逸待勞以飽待饑其計莫善於此今無
容臣等將墩院之式畫成紙圖咨達巡撫溫景葵處

令其督率兵備府州縣等官責令居民於土脉融和之日以次舉行務使愚民各知墩哨之設全為生我非為勞我庶幾人心歡動工效可睹其原設堡寨亦要通行查明但有不堪去處一體條理完固未盡事宜聽溫景葵徑自區處

一議處薊鎮獲功賞格臣等議得薊鎮昌平密邇陵京比之各邊緩急不同醜虜侵軼勢必聚衆方敢深入亦與各邊零散頻異以故先年本部題准賊入內地與邊方陞賞不同拒賊不得入邊雖無斬獲亦准一體世襲意誠有見於此合無今後除村庄壯夫零斬

賊級仍照舊例陞賞外其官兵與賊大衆血戰臨陣
斬獲如胡鎮等近日之功者願陞者超陞二級不願
陞者賞銀五十兩所獲馬匹夷器項盡數給與本
人充賞各邊不得援以為例

一議處朵顏三衛夷種臣等議得朵顏三衛夷人邇
來陽順陰逆專一為虜嚮導雖即掃蕩巢穴不為過
舉但中間情狀不一有畏虜勢而屈從者有得虜情
而傳報者玉石不分久非 國家懷柔之意合無聽
總督鎮巡官榜諭朵顏三衛都督等官汝等父祖皆
知敬奉天道護衛 朝廷故與汝土地賜汝勅印每

來朝貢則厚加賞賚恩德如天夫何汝等後人翻向
北虜甚至勾引入寇此皆出自傳聞之語不敢輕奏
朝廷今後爾等各宜昭汝父祖効忠守法如遇俺答黃
台吉等到你營內果能設計擒斬函首來獻定行奏
聞朝廷給與萬金從此曉諭之後如仍前悖逆彼
時勦汝不要後悔總督鎮巡官一面將曉諭過緣由
咨部查考一面將應撫應勦事宜明白具奏定奪一

楊襄毅公本兵疏議



卷十一

哭



師貞堂

楊襄毅公本兵疏議卷十一終